

საქართველოს კანონი

„ენერგეტიკისა და წყალმომარაგების შესახებ“ საქართველოს კანონში ცვლილების შეტანის თაობაზე

მუხლი 1. „ენერგეტიკისა და წყალმომარაგების შესახებ“ საქართველოს კანონში (საქართველოს საკანონმდებლო მაცნე (www.matsne.gov.ge), 27.12.2019, სარეგისტრაციო კოდი: 300280000.05.001.019734) შეტანილ იქნეს შემდეგი ცვლილება:

1. 38-ე მუხლის:

ა) მე-2 პუნქტი ჩამოყალიბდეს შემდეგი რედაქციით:

„2. მიკროსიმძლავრის ელექტროსადგურის მიერ წარმოებული და ელექტროენერჯის გამანაწილებელ ქსელში მიწოდებული ელექტროენერჯის ყიდვის უფლება აქვს ელექტროენერჯის ნებისმიერ მიმწოდებელს ელექტროენერჯის მიწოდების წესების შესაბამისად, ხოლო იმავე წესებით განსაზღვრულ შემთხვევებში და განსაზღვრული პირობებით ამ ელექტროენერჯის ყიდულობს უნივერსალური მომსახურების ის მიმწოდებელი, რომლის მომსახურების არეალშიც მდებარეობს აღნიშნული ელექტროსადგური, ან ელექტროენერჯის სხვა მიმწოდებელი, რომელსაც ამ კანონით დადგენილი წესით დაკისრებული აქვს საჯარო მომსახურების ვალდებულება.“;

ბ) მე-4 პუნქტი ჩამოყალიბდეს შემდეგი რედაქციით:

„4. საბოლოო მომხმარებლის ან საბოლოო მომხმარებელთა ჯგუფის მიერ მიკროსიმძლავრის ელექტროსადგურით სარგებლობის პირობებს, მათ შორის, ელექტროენერჯის გამანაწილებელ ქსელში მიწოდებული ელექტროენერჯის საფასურს, ამ ქსელიდან მიღებული ელექტროენერჯის საფასურს და მათი გადახდის პირობებს, ადგენს კომისია. კომისიის მიერ დადგენილი ტექნიკური და ადმინისტრაციული მოთხოვნები, პროცედურები და საფასურები უნდა იყოს პროპორციული და არადისკრიმინაციული. ამასთანავე, საბოლოო მომხმარებელს არ უნდა დაეკისროს ქსელის ისეთი გადასახადი, რომელიც არ ასახავს ელექტროენერჯის სასისტემო მომსახურებისა და ელექტროენერჯის ბაზრის ოპერირების მომსახურების ხარჯებს.“.

2. 165¹ მუხლის:

ა) პირველი პუნქტი ჩამოყალიბდეს შემდეგი რედაქციით:

„1. 2027 წლის 1 იანვრამდე ელექტროენერჯის გამანაწილებელ ქსელთან მიერთებული მიკროსიმძლავრის ელექტროსადგურის მფლობელი/მიკროსიმძლავრის ელექტროსადგურით მოსარგებლე საბოლოო მომხმარებელი უფლებამოსილია 2033 წლის 1 იანვრამდე ისარგებლოს ელექტროენერჯის გამანაწილებელ ქსელთან მიერთების მომენტისთვის მოქმედი პირობებით – წარმოებული და მოხმარებული ელექტროენერჯის გაქვითვისგან და ამის შედეგად ელექტროენერჯის სასისტემო მომსახურებისა და ელექტროენერჯის ბაზრის ოპერირების მომსახურებისგან გათავისუფლებით.“;

ბ) მე-2 პუნქტი ჩამოყალიბდეს შემდეგი რედაქციით:

„2. თუ ელექტროენერჯის გამანაწილებელ ქსელთან მიერთებული მიკროსიმძლავრის ელექტროსადგურების ჯამურმა სიმძლავრემ მიაღწია ამ კანონის 38-ე მუხლის მე-5 პუნქტის საფუძველზე კომისიის მიერ დადგენილ მაქსიმალურ ოდენობას, კომისია უფლებამოსილია დაუშვას მიკროსიმძლავრის ელექტროსადგურის ელექტროენერჯის გამანაწილებელ ქსელთან მიერთება 2027 წლის 1 იანვრამდე შემდეგი პირობების დაცვის შემთხვევაში:

ა) მიკროსიმძლავრის ელექტროსადგურის მისაერთებელი სიმძლავრე არ აღემატება 100 კილოვატს;



ბ) წარმოებული ელექტროენერჯის მოხმარებულ ელექტროენერჯიასთან გაქვითვის ნაცვლად მომხმარებელი ელექტროენერჯის გამანაწილებელ ქსელში მიწოდებული ელექტროენერჯისთვის მიიღებს კომისიის მიერ დადგენილ ელექტროენერჯის გამანაწილებელ ქსელში მიწოდებული ელექტროენერჯის საფასურს, ხოლო ქსელიდან მიღებული ელექტროენერჯისთვის გადაიხდის როგორც ელექტროენერჯის მიწოდების მომსახურების საფასურს, ისე ელექტროენერჯის სასისტემო მომსახურებისა და ელექტროენერჯის ბაზრის ოპერირების მომსახურების საფასურს კომისიის მიერ დადგენილი წესით.“.

მუხლი 2

1. ეს კანონი, გარდა ამ კანონის პირველი მუხლის პირველი პუნქტისა და მე-2 პუნქტის „ა“ ქვეპუნქტისა, ამოქმედდეს გამოქვეყნებისთანავე.
2. ამ კანონის პირველი მუხლის პირველი პუნქტი და მე-2 პუნქტის „ა“ ქვეპუნქტი ამოქმედდეს 2027 წლის 1 იანვრიდან.

საქართველოს პრეზიდენტი

მიხეილ ყაველაშვილი

თბილისი,

10 ივნისი 2025 წ.

N605-IIმს-XIმპ

